



Pou Piblikasyon Imedya: 17/11/2021

GOUVÈNÈ KATHY HOCHUL

**GOUVÈNÈ HOCHUL ANONSE YON NOUVO KOMINIKE POU ANKOURAJE
PARAN YO AK MOUN K AP OKIPE TIMOUN YO VAKSINEN TIMOUN KI GEN LAJ
5 RIVE 11 AN YO KONT COVID-19**

*Nouvo kategori kalifikasyon an se yon lòt eleman trè enpòtan pou ralanti
pwopagasyon viris la*

Gen 156,244 timoun laj 5 rive 11 an nan tout eta a ki resevwa premye dòz yo

Ou kapab wè kominike a nan lang angle ak panyòl isit la ak isit la

Gouvènè Kathy Hochul anonse gen yon nouvo kominike ki pral difize apati de jodi a ki gen kòm objektif ankouraje vaksinasyon timoun ki gen laj 5 rive 11 an yo kont COVID-19. Kanpay sèt semèn nan pral pase nan tout eta a nan lang angle ak panyòl kòmanse an novanm rive an janveye nan televizyon, radyo ak medya sosyal e li konsantre sou soulaje enkyetid epi rasire paran yo ak moun k ap okipe timoun yo sou avantaj pran vaksen an. Gen 156,244 timoun laj 5 rive 11 an nan tout eta a ki deja pran premye dòz yo a depi FDA te apwouve, epi CDC te rekòmande, vaksen pou gwoup laj sa a.

"Paran toupatou nan Eta a t ap tann chans vaksinen ak pwoteje timoun yo kont viris COVID-19 la e kounye a yo kapab", **Gouvènè Hochul te deklare.** "Vaksen an san danje, gratis, ak fasil pou jwenn. M ankouraje paran yo ak responsab legal yo pou yo pran randevou avèk pedyat, founisè swen primè ptit yo, famasi, ak sant vaksinasyon an mas Eta a. Eta New York kontinye ap soutni pwofesyonèl medikal lokal nou yo nan efò vaksinasyon trè enpòtan sa a e kominike sa a amplifye yon mesaj senp toupatou nan eta a - an nou fè tout moun vaksinen, timoun nou yo tou."

Tèks Kominike a:

Vaksen kont COVID la pou timoun ki gen 5 jiska 11 an?

Wi, mwen te gen kesyon.

Kidonk, mwen rele doktè ptit mwen yo.

Mwen fè li konfyans nèt.

Nou pale de dòz pi ba a pou timoun pi piti yo, de efè segondè posib yo, ak de rezon ki fè vaksen an enpòtan konsa.

Men mwen pa t fin si toujou, kidonk mwen mande li, "E ptit pa ou yo? Yo vaksinen?"

Li di, "Byennantandi."

E se sèl sa mwen te bezwen konnen.

Vwa Komantatè a: Pale avèk pwofesyonèl medikal ptit ou de vaksen kont COVID yo pou timoun ki gen omwen 5 an.

Fen Tèks sou Ekran an: Jwenn plis enfòmasyon nan ny.gov/VaxForKids

Timoun ki gen laj 5 jiska 11 an yo disponib pou yon vaksen kont COVID-19 gratis kounye a.

Yo ankouraje Nouyòkè k ap chèche pran randevou pou vaksen pou timoun ki gen 5-11 zan yo pou yo kontakte pedyat ptit yo a, doktè fanmi yo, depatman sante konte yo, Sant Sante ki Kalifye nan nivo Federal (Federally Qualified Health Centers, FQHCs) yo, sant sante riral yo, oswa famasi ki ka bay vaksen yo pou gwoup laj sa a. Paran yo ak gadyen yo ka vizite [vaccines.gov](#), voye mesaj tèks kòd postal yo nan 438829, oswa rele 1-800-232-0233 pou jwenn lokal ki tou pre yo. Asire w ke founisè a ofri vaksen Pfizer-BioNTech COVID-19 la, paske lòt vaksen COVID-19 yo pa ko otorize pou gwoup laj sa a. Tanpri gade sit [Am I Eligible \(Èske Mwen Kalifye\)](#) New York la pou plis enfòmasyon.

Malerezman, gen anpil fo enfòmasyon sou vaksen an tou sou entènèt, nan nouvèl, ak nan kominate nou yo. Pou lite kont sa, novo kominiye New York la ankouraje paran ki gen kesyon oswa bagay k ap trakase yo pou yo pale ak pwofesyonèl medikal ptit yo a kòm sous enfòmasyon kredib. Paran yo kapab jwenn enfòmasyon kòrèk ak fyab tou sou sit entènèt #getthevaxfacts la [isit la](#).

Vizite [nouvo sitwèb](#) nou an pou paran ak gadyen yo jwenn novo enfòmasyon, kesyon ak repons yo poze souvan yo, ak resous ki fèt espesyalman pou paran ak gadyen nan gwoup laj sa a.

Pou plis enfòmasyon sou kijan ou kapab jwenn vaksen an pou ptit ou a tanpri gade [isit la](#).

Pou enfòmasyon sou vaksen pou granmoun oswa sou piki rapèl, tanpri gade [isit la](#).

Pou enfòmasyon sou vaksen an, tanpri gade [isit la](#).

###